

書名 [唐詩品彙九十卷]拾遺十卷 嘉靖十六年序刊本
 撰者 明 高棟 輯
 卷 卷九
 內容分類 集-總集-各代-唐
 索書號 集部-總集-35
 編號 D7841100

卷九

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本文影像資料庫 索書號: 集部-總集-35

漢籍善本文影像資料庫文本 [唐詩品彙九十卷]拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙卷之一

五言古詩

正始上

太宗皇帝 五首

新寧高棟編

幸武功慶善宮賦

上所生之宮也貞觀六年幸之宴從臣賞賜間


里同漢沛宛帝歡甚賦詩起居郎呂才
 彼之管絃為功成慶善樂名九功之舞

丘唯舊跡豐邑乃前基
 粵子承累聖縣弧亦在茲

際逢運改提劍鬱匡時
 指麾八荒定懷柔萬國夷

盛入款駕海亦來思
 單于陪武帳日逐衛文螭

竚袞朝四岳無為任百司
 霜節明秋景輕冰結水湄



唐詩品彙拾遺卷之九

錢起 十首

溫泉宮

新豐佳氣滿聖主在溫泉雲暖龍行處山明日馭前
順風求至道側席問遺賢靈雪瑤墀降晨霞綵仗懸
滄溟不讓水疵賤也朝天

送集賢崔八叔承恩括圖書

雨露滿儒服天心知子虛還勞五經笥更訪百家書
贈別傾文苑光華北使車曉雲隨客散寒樹出閑踈
相見應朝夕歸期在玉除

憶山中寄舊友

唐詩品彙拾遺卷之九

數歲白雲裏與君同採薇樹深烟不散溪靜鷺忘飛
更憶東岩趣殘陽破翠微脫巾花下醉洗藥月前歸
風景今還好如何與世違

長安落第作

始願今如此前途復若何無媒獻詞賦生事日蹉跎
不遇張華識空悲甯戚歌故山歸夢遠新歲客愁多
刷羽思喬木登龍恨失波散才非世用迴首謝雲蘿

藥堂秋暮

隱來未得道歲去愧雲松茅屋空山暮荷衣白露濃
唯憐石苔色不染世人蹤潭靜宜孤鶴山深絕遠鍾
有時丹竈上數點絳霞重勉事壺公術仙期待赤龍

寇中送張司歸洛

戎狄寇周日衣冠適洛年客亭新驛騎關路舊人烟
吾道將東矣秋風更颯然雲愁百戰地樹隔兩鄉天
旅思蓬飄陌驚魂鴈怯弦今朝一罇酒莫惜醉離筵

李四勸為尉氏尉李七勉為開封尉

有令譽
因美之

美政惟兄弟時人數俊賢皇枝双玉樹吏道二梅仙
自理堯唐俗唯將禮讓傳采蘭花萼聚就日鴈行聯
黃綬俄三載青雲未九遷廟堂為宰制幾日試龍泉

送外甥懷素上人歸鄉侍奉

釋子吾家寶神清惠有餘能翻梵王字妙畫伯英書

遠鶴無前侶孤雲寄太虛
狂來輕世界醉裏得真如
飛錫離鄉久寧親喜臘初
故池殘雪滿寒柳霽烟疎
壽酒還嘗樂晨食不薦魚
遙知禪誦外健筆賦閑居

罷官後謝元校書見贈

心期悵已阻交道復何如
自我辭丹闕唯君到弊廬
忘機貧負米憶戴出無車
一本作未忘金陵書隣犬吠初
服家人愁斗儲秋堂人閑夜
雲月思離居窮巷聞砧
冷荒枝應鵲踈宦名隨落
葉生事感枯魚流水仍揮
手知音未棄余

同鄔戴閑中旅寓

文士皆求遇今人誰至公
靈臺一寄宿楊柳再春風

更惜忘形友頻年失志同
羽毛齊燕雀心事阻鴛鴻
留滯慚歸養飛鳴恨觸籠
橘懷鄉夢裏書去客愁中
殘雪迷歸鴈韶光棄斷蓬
吞悲問唐舉何路出屯蒙

劉長卿四首

題獨孤常州湖上林亭

出樹倚朱欄吹鏡引上官
老農持鋤拜時稼捲簾看
水對登龍淨山當建隼寒
夕陽湖草動秋色渚田寬
渤海人無事荊州客獨安
謝公何足比來往石門難
奉和杜相公新移長興宅呈元相公

間氣生真宰同心奉至尊
功高開北第機靜灌中園
入並蟬冠影歸分騎士喧
窓聞漢宮漏家識杜陵原

獻替常焚稿清閑獨樹萱花香逐荷令草色對王孫
有地先開閣何人不掃門江湖難自退明主託元元

同郭參謀題崔令公廳前竹

不學媚清瀾能依上将壇蒙籠低冕過青翠捲簾看
得地移根遠經霜抱節難閑花成鳳實嫩筍長漁竿
肅肅軍容靜蕭蕭郡宇寬細音和角暮踈影上門寒
阮巷何人在梁園幾處殘空餘軒屏側歲晚伴任安
賈侍御自會稽使迴篇付盈卷兼蒙見寄
一首與余有掛冠之期因書數事率成十

韻

江上逢星使南來自會稽驚年一葉落按俗五花嘶

土國悲蕪梗中原動鼓鼙報恩看鐵劔命出金閨
風物摧歸緒雲峰發味題天長百越外湖上小江西
鳥道通閩嶺山光落剡溪暮帆千里思秋夜一猿啼
栢署榮新寵桃源憶故蹊若為能去此行復草萋萋

耿漳 四首

奉送蔣尚書兼御史大夫東都留守

副相威名重春卿禮樂崇賜珪仍拜下分命遂居東
高旆翻秋日清鏡引細風蟬稀金谷樹草徧德陽宮
教用儒門儉兵依武庫雄誰云千載後周名獨為公
題清源寺王右丞宅

儒墨兼宗道雲泉舊結廬孟城今寂寞輞水自行餘

內學銷多累西園易故居深房春竹老細雨夜鐘疎
塵跡留金地遺文在石渠不知登座客誰得蔡邕書
春日書情寄元校書伯和相國元子

數歲平津邸諸生門出時羈孤力行早疎賤託身遲
芳草看無厭青山到未期貧居悲老大春日向茅茨
衛玠瓊瑤色玄成鼎鼐資友朋漢相府兄弟謝家詩
律合聲雖應勞歌調自悲流年不可駐惆悵鏡中絲

酬張少尹秋日鳳翔西郊見寄

鼎氣孕河汾英英濟舊勳劉生曾任俠張率自能文
官佐征西府名齊將上軍秋山遙出浦野鶴暮離群
遠恨邊船起勞歌騎吏聞廢閑人不到荒戍日空曛

草木涼初變陰晴景半分疊蟬臨積水亂燕入高雲
麗藻終思我哀髯亦為君閑吟寡和曲庭葉漸紛紛

釋皎然四首

秋日遙和盧使君游柯山寺宿敷上人上方論涅槃經大義

江郡當秋景期將道者同跡高憐竹寺夜靜賞蓮宮
古磬清霜下寒山曉月中詩情緣境發法性寄筇空
翻譯推南本何人繼謝公

奉送陸中丞長源詔徵入朝

詔下鄴侯幕徵賢寵大勳才當持漢典道可致堯君
藩牧今榮餞詩流此盛文水從吳渚別樹向楚門分



宿寺期佳月看山識故雲歸心復何託惆悵在江濱
同盧使君幼平郊外送閭侍御歸臺

留餞飛旌駐離亭草色間栢臺今上客竹使舊朝班
日落東西水天寒遠近山古江分楚望殘柳入隋關
戀關心常積迴軒日不閑芳辰倚門道猶得及春還

奉和盧使君幼平游朝陽山寺臨大湖在時

郭不
律往

仁祠當絕境明牧躡靈蹤欲到清涼地初聞斷續鐘
城中歸路在湖上碧山重水映千花界雲開七葉峰
寒芳艾綬滿空翠白綸濃逸韻知難繼佳游恨不逢
仍聞撫禪石為我久從容

釋法振一首

送褚先生海上尋封鍊師

潮落風初定吳天避客舟近承三殿旨欲向五湖遊
不厭烏皮几新縫鶴氅裘明珠漂斷岸陰火映中流
華蓋芝童引神丹桂女收懸知居縹緲固為識浮丘

皇甫冉三首

送李萬州赴饒州覲省

得西
字

前程觀拜慶舊館惜招携荀氏風流日胡家清白齊
川迴吳岫失塞闊楚雲低舉目親魚鳥驚心怯鼓鼙
人稀漁浦外難淺定山西無限青青草王孫去不迷
和鄭少尹祭中岳寺北訪蕭居士越上方

蕭事祠靈境尋真到隱居寅緣幽谷遠蕭散白雲餘
晚節持僧律他年著道書海邊曾狎鳥濠上正觀魚
寂靜求無相淳和覩太初一峰綿歲月萬姓任盈虛
籬隔溪鐘度空臨澗木疎謝公懷舊壑迴駕復何如

太常魏博士遠出賊庭江外相逢因叙其

事

烽火驚戎塞豺狼犯帝畿川源無稼穡日月翳光輝
里社枌榆毀宮城騎吏非群生被慘毒雜霧耀輕肥
多士從芳餌唯君識禍機心同合浦葉命寄首陽薇
耻作織鱗煦方隨高鳥飛山經商嶺出水泛漢池歸
離別霜凝鬢逢迎淚迸衣京華長路絕江海故人稀

東節身常苦求仁志不違祇應窮野外耕種且相依

皇甫曾一首

送湯中丞和蕃

繼好中司出天心外國知己傳堯雨露更說漢威儀
隴上應回首河源復載馳孤峯問徒御空磧見旌麾
春草鄉愁起邊城旅夢移莫嗟行地遠此去答恩私

包佶一首

酬于侍郎湖南見寄十四韻

桂嶺千崖斷湘流一派通長沙今賈傳東海舊于公
章甫經殊俗離騷繼雅風金閨文作字玉匣氣成虹
翰墨時無侶丹青夙在工主恩留左掖人望積南宮

巧拙循名異浮沉顧位同九遷歸上畧三已契愚衷
青謝庭中吏詩選悲寬塞上翁楚封欣有適燕石愧
無功山曉重嵐外林春苦霧中雪花翻海鶴波影倒
江楓去札頻逢信迴帆早挂空避賢方有日非敢愛
微躬

嚴維一首

奉和獨孤中丞游雲門寺作

絕壑開花界耶溪極上源光輝三石座登陟五雲門
深木鳴騶馭晴山曜武貴亂泉親坐卧踈磬發朝昏
蒼翠新秋色莓苔積雨痕上方看度鳥後伎聽吟猿
異跡焚香對新詩酌茗論歸來還捨俗諸老莫攀轅

李嘉祐一首

奉和杜相公長興新宅即事呈元相公

意有空門樂居無甲第奢經過容法侶雕飾讓侯家
隱樹重簷肅開園一徑斜據梧聽好鳥行藥寄名花
夢蝶留清簾垂貽坐絳紗當山不掩戶映日自傾茶
雅望歸安石深知在叔牙還成吉甫頌贈答比瑤華

盧綸一首

號州逢侯劉同尋羅南觀因贈別時綸停務

相見翻惆悵應憐責廢官過深慙祿在識淺賴刑寬
獨失耕桑業同思弟姪歡衰貧羞客過卑束會君難

放鶴歸雲巖澆花遶石壇興還江海上跡在是非端
林密風聲結山高雨勢寒悠然此中別賓僕亦闌干

司空曙 一首

逢江客問南中故人因以詩寄

南客何時去相逢問故人望鄉空泪落嗜酒轉家貧
踈懶辭微禄東西任老身上樓多看月臨水共傷春
五柳終期隱双鷗自可親應憐折腰吏冉冉在風塵

顧況 一首

送從兄使新羅

六氣銅渾轉三光玉律調河宮清奉黃海岳晏來朝
地絕提封入天平錫貢饒楊威輕破虜柔服耻征遼

曙色黃金闕寒聲白鷺潮樓舫非習戰驄馬是嘉招
帝女飛銜石鮫人賣淚綃管寧雖不偶徐市倘相邀
獨島緣空翠孤霞上沈寥蟾蜍同漢月蠅螬異秦橋
水豹橫吹浪花鷹迥拂霄晨裝凌莽渺夜泊記招搖
幾路通負嶠何山是沃焦颶風晴汨起陰火暝潛燒
鬚髮成新髻人參長舊苗扶耒銜日近折木帶津遙
夢向愁中積魂當別處銷臨川思結網見彈欲求鴉
冥散羲和曆誰差甲子朝滄波伏忠信譯語辨謳謠
疊鼓鯨鱗隱陰帆鷁首飄南溟垂大翼西海飲文鯨
文選吳都賦注文鯨指景尋靈草排雲聽洞簫封侯
常行西海而遊東海

萬里外未肯後班超

張繼 一首

酬李書記校書越城秋夜見贈

東越秋城夜西人白髮年寒城警角斗孤憤抱龍泉
鳳輦栖岐下鯨波鬪洛川量空海陵粟賜泛水衡錢
投閣唾揚子飛書代魯連蒼蒼不可問余亦賦思玄

張南史 一首

獨孤常侍北亭

背血敞高明憑軒見野情 回五馬跡更勝百花名
海樹凝烟遠湖田見鶴清雲光侵素壁水影蕩閑楹
俗類褰帷問人歡倒屣迎始能 結構獨有謝宣城

戴叔倫 一首

和河南羅主簿送校書兄歸江南

兄弟泣殊方天涯指故鄉斷雲無定處歸鴈不成行
草莽人烟少風波水驛長上虞親渤澥東楚隔瀟湘
古戍陰傳火寒蕪曉帶霜海門潮灩灩沙岸荻蒼蒼
京輦辭芸閣衡方憶草堂知君始寧隱還緝舊荷裳

權德輿 二首

與沈十九拾遺同遊栖霞寺上方夜於亮上人院會宿

偶來人境外心賞幸隨君古殿烟霞夕深山松桂薰
岩花點寒溜石磴掃春雲清淨諸天近誼塵下界分
名僧康寶月上客沈休文共宿東林夜清猿徹曙聞

李吉甫 一首

夏夜北園即事寄門下武相公

結構非華宇登臨似古原
僻殊蕭相宅蕪勝邵平園
避暑依南廡追涼在北軒
烟霞霄外靜草露月中繁
鵲繞驚還止虫吟思不喧
懷君欲有贈宿昔貴忘言

武元衡 一首

甲午歲相國李公有北園寄贈之作吟翫

歷時屢復酬答機務不暇未及報章今古
遽分電波增感留墓劍於心許偶隣笛而
意傷寓哀冥漠以廣遺韻云

機事勞西掖幽懷寄北園
鶴巢深更靜蟬噪斷猶喧

仙醞百花馥艷歌双袖翻碧雲
詩變雅皇澤葉流根
未報雕龍贈俄傷淚劍痕
佳城閔白日哀挽向青門
禮命公台重烟霜壠樹繁
天高不可問空使輔星昏

殷寅 一首

玄元皇帝應見賀聖祚無疆

應曆生周日脩祠表漢年
復茲秦嶺上更似霍山前
昔贊神功啓今符聖祚延
已題金簡字仍訪玉堂仙
睿祖光元始曾孫體又玄
言因六夢接慶叶九齡傳
北闕心超矣南山壽固然
無由同拜慶竊抃賀陶甄

李峯 一首

奉和同前

皇綱歸有道帝系祖玄元運表南山祚神通北極尊
大同齊日月興發應乾坤聖后趨庭禮宗臣稽首言
千官欣肆覲萬國賀深恩錫宴雲天接飛聲雷地喧
祥雲浮紫閣喜氣繞皇軒未預承天命空勤望帝門

釋廣宣 一首

降誕日內庭獻壽應制

慶壽千齡遠敷仁萬國通登霄欣有路捧日愧無功
仙駕三山上龍生二月中脩齋長樂殿講道大明宮
此地人難到諸天事不同法筵花散後空界滿香風

已上係中唐之詩

劉禹錫 一首

奉送裴司徒令公自東都留守再命太原

本封晉國公西
任相去十六年

星使出關東兵符賜上公山河歸舊國管籥換離宮
行色旌旗動軍聲鼓角雄愛棠餘故吏騎竹見新童
漢壘三秋盡胡沙萬里空其如天下望旦夕詠清風

韓愈 一首

早春雪中聞鶯

朝鶯雪裏新雪樹眼前春帶澁先迎氣侵寒已報人
共矜初聽早誰貴後聞頻暫轉那成曲孤鳴豈及辰
風霜徒自保桃李詎相親寄謝幽棲友辛勤不為身
釋無可 二首

送姚明府赴招義縣

濠梁古縣城結束赴王程道路携家去波濤隔月行
車臨芳草下吏踏落花迎暮郭山遙在春洲鳥不驚
風烟譙國遠奈柘楚田平何以書能化長淮澈海清

送杜司馬遊蜀中

為客應非願愁成欲別時還遊蜀國去不惜杜陵期
劔水啼猿在關林轉棧逢日光低峽口雨勢出峩眉
山迥逢殘角雲開識遠夷勿令雙鬢髮併向錦城衰

許渾一首

陪少師李相國崔賓客宴居守狄僕射池亭

池色似瀟湘仙舟日正長燕飛驚蛺蝶魚戲動鴛鴦
雲裏歌初轉風回舞欲翔暖醅松葉嫩寒粥杏花香
羅綺留春色笙箏送晚光何須明月夜紅燭在華堂

金陵阻風登延祚閣

極目皆陳迹披圖問遠公戈鋌三國後冠蓋六朝中
鳧鸞交殘壘芭花沒廢宮水流蕭鼓絕山在綺羅空
極浦千艘聚高臺一徑通雲移吳岫雨潮轉楚江風
登閣慙漂梗停舟憶斷蓬歸期與歸路松桂海門東

劉得仁一首

題從伯舍人道正里南園

帝里餘新第朱門面碧岑曙堂增爽氣喬木動清陰

直去親瑤陛朝廻在竹林風流才子調好尚古人心
薜荔遮窓暗莓苔近井深禮無青瑣隔詩有白衣吟
軒靜留孤鶴庭虛到遠砧掩關裁鳳詔開鏡理瓊簪
種植今如此塵埃未不侵雲奔投刺者日日待為霖

馬載二首

題石甕寺

僧室並皇宮雲門輦路通渭分雙闕北山廻五陵東
脩綆懸林表深泉汲洞中人烟窺垤蟻鴛瓦拂冥鴻
鮮壁松生峭龕燈月照空稀逢息心侶獨禮竺乾公

訓太原從事楊郎中贈別之作

集作君將若每月佩贈之光我行見知言不淺懷報意

非輕反照臨岐思中年未達情河梁人送別秋漢鴈
相鳴衰柳搖邊吹寒雲自古城西遊還獻賦應許託
平生

姚鵠一首

奉和秘監從翁夏日陝州河亭晚望

洪河何處望一境在孤烟極野如藍日長波似鏡年
卷簾花影裏倚檻鶴巢邊霞焰侵旌旆灘聲雜管絃
鐘微來疊岫帆遠落遙天過客多相指應疑會水仙

張莒一首

元日望含元殿御扇開合

萬國來初歲千年覩聖君輦迎仙仗出扇匝御香焚

俯對朝元近，先知曙色分。
旒開處見鐘磬，合時聞影動承朝日。
花攢似慶雲，蒲葵那可比。徒用隔炎氛。

鄭畋一首

緱山廟

有昔靈王子，吹笙遡沆寥。
六宮攀不住，五馬互相招。上國原陵古，賓天歲月遙。
無蹊窺海曲，有廟訪山椒。石帳龍蛇拱，雲龍彩翠銷。
露壇裝琬琰，真像寫松喬。珠館青童宴，琳宮阿母朝。
氣輿仙女侍，天馬吏兵調。湘妓紅絲瑟，秦郎白管簫。
西城要娉約，南嶽命嬌娆。句曲觴金洞，天台嘯石橋。
晚花珠弄藥，春茹玉生苗。二景神光秘，三光寶錄饒。
霧鬣鵞翅髮，水束虎章腰。

鶴馭爭銜箭，龍妃合獻綃。衣從星渚浣，丹就日宮燒。
物外花常滿，人間葉自凋。望臺悲漢戾，閱水笑梁昭。
古殿香殘地，荒堦柳長條。幾曾期七日，無復降重霄。
嵩嶺連江漢，伊瀾入海潮。何由得真訣，使我佩環飄。

已上係晚唐之詩

葉元良一首

御製段太尉碑

多難全高節，時清軫聖君。園塋標石篆，雨露降天文。
義激忠貞沒，詞傷蘭蕙焚。國人皆墮淚，王府已銘勳。
揭出臨新陌，長留對古墳。睿情幽感處，應使九泉聞。

薛有誠一首

奉和同前

葬儀從儉禮刊石荷堯君露跡垂繁宇天泉洒麗文
詔深榮嗣子海變起孤墳寶思皆溷象皇心永念勲
雅詞黃絹妙溼澤紫沉分青史應同久芳聲萬古聞

王邕一首

嵩山望幸

峻極位何崇方知造化功降靈逢聖主望幸表維嵩
隱映連青壁嵯峨向碧空象車因叶瑞龍駕願升中
萬歲聲長在千岩氣轉雄東都歌盛事西笑佇皇風

庾敬休一首

春雪映早梅

清晨凝雪彩新候變庭梅樹愛春榮徧窓驚曙色催
寒光添粉壁積潤履青苔分明六出瑞隱映幾枝開
聞笛花疑落揮琴興轉來曲成非寡和長使思悠哉

盧征一首

天驥呈材

異產應堯年龍媒順制牽權奇初得地蹊蹠欲行天
詎假調金埒寧須動玉鞭嘶風深有戀逐日定無前
周滿誇常馭燕昭恨不傳應知流赭汗來自海西偏

李敬方一首

太和公主還宮

二紀烟塵外妻涼轉戰歸胡笳悲蔡琰漢使泣明妃

金殿更衣幄青袂換毳衣登車隨伴仗謁廟入中闈
湯沐疏封在關山故夢非笑看鴻北向休詠鵲南飛
宮髻憐新樣庭阿想舊圍生還侍兒少孰識內家稀
鳳去樓高夜鷺孤匣掩輝應憐禁園柳相見倍依依

錢可復一首

鶯出谷

玉律陽和變時禽羽翮新載飛初出谷一轉已驚人
拂柳宜烟暖衝花覺路春搏風翻翰疾向日弄聲頻
求友心何切遷喬幸有因華林高玉樹棲託及芳辰

黃頰一首

風不鳴條

五緯起祥飈無聲瑞聖朝稍開含露並絕轉惹烟條
密葉應潛變低枝幾暗搖林間鶯欲轉花下蝶微飄
初滿公堤草因生逐水苗太平無一事天外奏雲韶

左牢一首

奉和同前

旭日懸清景微風在綠條入松聲不發度柳影空搖
長養應潛變扶疎每暗飄有林時嫋嫋無樹漸蕭蕭
慢逐青烟散輕和瑞氣饒豐年知有待歌咏羨唐堯

張隨一首

勅賜三相馬

上苑驂騑出中宮詔命傳九天班錫禮三相代勞年

顧主聲猶發。追風力正全。鳴珂龍闕下。噴玉鳳池前。
四足疑雲滅。雙瞳比鏡懸。為因能致遠。今日表求賢。

張少傅一首

雪後觀象闕待漏

殘雪初晴後。鳴珂奉闕庭。九門傳曉漏。五夜候晨扃。
北斗橫斜漢。東方落曙星。烟氛初動色。簪珮未分形。
雪重猶垂白山。遙不辨青雞。人更唱處。偏入此時聽。

石殷士一首

日華川上動

曙霞摺旭日。浮景弄晴川。杲曜層潭上。悠揚極浦前。
岸高時擁媚。波遠漸澄鮮。萍實空隨浪。珠胎不照淵。

早暄依曲渚。微動觸輕漣。孰假咸池望。幽情得古偏。

盧肇一首

題甘露寺

北固岩端寺。佳名自上台。地從京口斷。山到海門迴。
曙色烟中滅。潮聲日下來。一隅通雉堞。千仞聳樓臺。
林暗疑降虎。江空想度杯。福庭增氣象。仙磬落昭回。
覺路花非染。流年景謾催。隋宮凋綠草。晉室散黃埃。
西蜀波湍盡。東溟日月開。如登最高處。應得見蓬萊。

亡名氏二首

送薛大夫和蕃

戎王歸漢命。魏絳諭皇恩。旌旆辭雙闕。風沙上五原。

往途遵塞道出祖耀都門策令天文盛宣威使者尊
澄波看四海入貢佇諸番秋杪迎迴駟無勞枉夢魂

秋日懸清光

寥廓涼天靜晶明白日秋圓光含萬象碎影入閑流
迥與青冥合遙同江甸浮晝陰殊衆木斜影下危樓
宋玉登高怨張衡望遠愁餘輝如可記雲路豈悠悠
已上係無字里世次之詩

唐詩品彙拾遺卷之九

唐詩品彙拾遺卷之十目錄

七言律詩

李義府 邵昇 韋元旦 崔湜 薛稷

李適 崔日用 馬懷素 武平一 張說

蘇頲 萬楚 張謂 劉長卿 鮑防 顧況

李嘉祐 郎士元 包何 盧綸 司空曙

耿漳 李端 崔峒 苗發 釋靈一

釋護國 釋清江 釋法振 張南史 朱灣

戴叔倫 武元衡 權德輿 劉禹錫

楊巨源 王建 釋廣宣 朱慶餘 白居易

李紳 賈島 張祐 薛逢 温庭筠 趙嘏

